

իրար վերայ կուտուած մոխիր և աղբ քարերն աննշմարելի դարձուցած են. անմաքրութիւնը ամեն կողմ տիրած է շինութեանց անյարմարութեանց պատճառաւ. ճեմիչ չկայ. երբեմն սատակած անասունք դռներու առջև կը ձգուին. ամառը քամին ամեն պղծութեանց փոշին օդը կը բարձրացնէ, ամեն անկիւն կը լեցնէ. նաև շատ անգամ ժողովրդոց թոքերուն մէջ տեղ կը դանէ:

Քաղաքիս աւերակ և շէն թաղօրայք են, Պլեճան, Սորանցոց, Փեթակիճոց, Գարաղի թաղ, Տարաղաճի թաղ, Թանտուր եսխմազներ, Ճրաբբէներ, Շներու կամ Գետի, Զքոյի, Տուքներու Բերդի տկի և Միրանի թաղ և այլն:

Միրանի թաղից արևելք 3 քիլոմէթր մինչև դերեզմանատուն աւերակաց կոյտեր են, հաստ պարիսպներու հիմերն դեռ կան:

Նկեղեցի.—Շուկայն որ երկու հակեալ փողոցներու կը բաժանուի, հարաւ և արևելեան հարաւ, այս երկու փողոցներու վերջաւորութեան միջավայրից քիչ ներքև կը գանուի եկեղեցին Ս. Աստուածածին անուամբ, որ աղօթատեղւոյ շնորքից զրկուած է:

Նկեղեցւոյս դիրքն ի հարաւ հակեալ վայրի վերայ է, բաւական ընդարձակ, 12 փայտեայ սիւններու վերայ հաստատուած. փայտեայ ծածք ունի, հին և խարխուղ դրութեան մասնուած. բայց ի քանի ջերմեռանդ հայերից մէկը չը համարձակիր ներս մտնել փլելուց երկիւղ կրեով: Հիւսիսային որմն զրսից բոլորովին հողի մէջ է, խորանը կամարակապ: բայց բոլորովին անձաշակ և խարխուղ մի գարու շինութիւն հազիւ եղած լինի:

Նկեղեցիս ըստ աւանդութեան քանի անգամ այ-